

# ¡BOMBA!

La Cuarta Transformación  
va por apuesta segura:  
Le anuncia al Puerto de Altura  
que va una nueva ampliación



# K'uintsil

Lunes 21 de octubre de 2024

CAMPECHE · YUCATÁN · QUINTANA ROO · AÑO 10 · NÚMERO 2345 · [www.lajornadamaya.mx](http://www.lajornadamaya.mx)

## Kíinsa'ab jk'iin Marcelo Pérez, tu kaajil San Cristóbal de las Casas



▲ Oochel Ap

Máako'ob yéetel u t'oono'obe' tu kíinsa'ab jk'iin Marcelo Pérez Pérez, máax p'aata'al ka'ach tu teemploil Guadalupe, ti' le noj kaajo', beey úuchik u ts'aabal k'ajóoltbil tumen u máakilo'ob u diósesil San Cristóbal de Las Casas.

A'alab tsotsil jk'iine', síij tu méek'tankaajil San Andrés

Larráinzar, tu Altosil Chiapas, ba'ale' loobilta'ab tu múuch'kajtalil Cuxtitali, tu lak'inil San Cristóbal.

Kajnáalo'ob te'elo' tu tsikbaltajo'obe' Pérez Péreze' luk' ka'ach tu teemploil Cuxtitali ka'aj tso'ok u ya'alik misa, ba'ale' tsona'ab ka'alikil ti' yaan yóok'ol u kamyónetae'.

Fiscalía General del Estado (FGE), ikil u ts'aamaj meyaj xan Fiscalía de Asuntos Especiales y Distrito Altos, tu ts'áaj k'ajóoltbile' tso'ok u káajal u xak'altik ba'ax úuchij je'el bix jets'a'anile', ti'al u yojéelta'al máax wa máaxo'ob kíins Marcelo 'N'.

Tu ya'alaje', tu jo'olj ojéelta'ak ba'ax úuche', u máakilo'ob Policía de Investigación táakano'ob meyaj Fiscalía Distrito Altos yéetel u máakilo'ob Servicios Periciales bino'ob tu bejil Las Peras, tu ti'itsil u bejil Flanz Bloom barrio Cuxtitali, tu'ux a'alabe' yaan tso'ots'onajil te'elo'.